

# 八旗則例

## 八旗則例

乾隆時鈔本

授官一冊  
 龍騎一冊  
 護軍一冊  
 領餉一冊  
 預制一冊  
 公式一冊  
 田宅一冊  
 戶口一冊  
 兵制一冊  
 訓練一冊  
 教養一冊

火器營  
 護軍營  
 儀仗營  
 總管  
 虎槍營  
 步軍營  
 共十二冊



八旗則例

授官

一授官通例原定八旗都統副都統統領

將軍都統副都統均由兵部開列具題


陵寢總管翼領信礮總管河南鄭家莊二處城守尉

牲所牧黑龍江船廠管水手官繫八旗公中升

補之闕由部引

見補授在京驍騎叅領以下官駐防協領以下官由

各旗引



見補授前鋒護軍叅領以下官由各該統領引

見補授詳見前鋒營羽林營則例五品以上咨兵部月終彙題六

品以下咨兵部注冊其駐防領催升補驍騎校

附入月終彙題○又定裁汰告假及緣事應降

應革各官恭遇

恩赦免議又本案審虛開復奉

旨以該員叅處之案本屬寬宥復還原職者均準接

算前俸所有即升加級紀錄均準隨帶如並非

本案開復及業經緣事降革奉

旨起用人員準不準接算前俸所有即升加級紀錄

均不準隨帶護軍驍騎等升補其食餉年分亦

準接算○又議準八旗原管佐領世管佐領員

闕限三十日辨結若有爭告應行察覈限內不

能完結者先行選人奏請署理叅領副叅領公

中佐領員闕限二十日辨結駐防各員闕及襲

爵來京者以人文到日為始限二十日辨結以

上正限二十日者給餘限十日正限三十日者

給餘限十五日如有行察調取及患病服制事

故不能依限完結將情由行知稽察衙門察覈

仍速辨注銷○乾隆四年議準每旗滿洲蒙古

漢軍各武職該都統於直班奏事之日遇有引見人員以叅領副叅領印房理事官佐領共十人一同引

見謂之侍班如無引

見人員俟至下班新補官亦照此例惟佐領內兼文武職任大員與

御前侍衛

乾清門侍衛及叅佐領兼部院司官者不在侍班之列○五年議準八旗四品以下官引

見記名兼有軍政卓異或年久軍前効力者遇應升

官闕按其品級列名奏補如記名未卓異在任未久未在軍前効力者遇應升擬正以軍政卓異未記名之人擬陪次將在任年久軍前効力未記名之人一并列名如無軍政卓異之人將年久軍前効力之人擬陪引

見補授其記名人員已經升轉即將從前記名之處報部注銷升任後復於新任記名者仍照記名之例升用○六年議準官兵內從前有出征隨圍未經升用緣事降革復行錄用者遇升選時出征隨圍準其通論若已經升用緣事降革復

行錄用者不準通論○七年議準。出征官兵得列等次者一經升用。將等第報部注銷。列二等注冊者。遇選用時。將記名之處。繕入名籤具奏。升用後。亦即注銷○八年奏準。凡論食俸餉年分。繫自幼承襲世爵佐領者。以食俸之年為始。繫自幼補教養兵者。以十六歲為始○又奏準。由京城補授船廠等處官。年滿保送。注冊應升者。該旗行取來京。與應升之人一同引

見補用。如未經補用。回任後復遇應升。則停其行取。繕名籤奏補。如回任已過一年。仍行咨取○十

三年奏準

盛京邊門要任。必須才力幹練之人。如遇該員才具平庸。不能勝任者。即不論本旗本翼。選取能員。具奏調補。毋庸送京引

見。迨後員闕。仍歸本旗選補。至城守尉。協領。繫專城大員。如遇調補。均令送京引

見。十六年奏準。記名旗員內。如有人品平庸者。該營大員具奏。將記名冊注銷。其侍班人員。於該旗奏事之日。別項引

見人少。將十人引

見。如人多。即行停止。該都統等酌量。務於一年內引見一次。至前鋒叅領等侍班之處。一二年輪一次。仍照舊例行。○二十年奉

旨。各省城守尉協領及各地方總管等官。應各該旗簡選補授者。由本旗引見。如應八旗公補。向由兵部引見。辦理殊未盡一。見今有直年都統辦理八旗事務。則此等公中簡選之旗員。理應直年都統引見。嗣後應各該旗簡選補授者。仍著本旗引見。其公中簡選者。著直年都統引見。兵部引見者。停止。一補授叅領。原定滿洲蒙古叅領員闕。以佐領

郎中員外郎步軍協尉前鋒侍衛。一。二。三等侍衛護衛。子以下。雲騎尉以上。世爵官。擬正陪。具題補授。漢軍叅領員闕。以佐領郎中員外郎步軍協尉。子以下。雲騎尉以上。世爵官。擬正陪。具題補授。○雍正三年奏。準。叅領員闕。以副叅領五人。不分正陪。按其年分。通行列名。引

見簡補。其佐領以下各官。毋庸開列。○乾隆元年奏。準。八旗滿洲叅領員闕。照宗室侍衛等補授。護軍叅領。例。行文領侍衛內大臣。及宗人府。將近支宗室侍衛。鎮國將軍以下。奉恩將軍以上。簡

選咨送與副參領一同引  
見簡補

一補授副參領。康熙四十年。增設八旗。委署參領。每甲喇各一人。以八旗世爵親軍前鋒護軍。驍騎諸校及步軍尉。簡選引。

見委署。○雍正元年

諭。每參領下。向止參領一人。因不敷用。是以各委署一人。昨議政大臣奏稱。護軍校驍騎校繫微末之員。不稱管束之任。停其委署等語。其說亦是。今將委署參領。即作為五品。副參領。嗣後副參領員闕。仍將護軍

校驍騎校。一併簡選。引見。若參領副參領。奉有差遣。別行奏請委署。如此。則責任專而管轄得力。旗人升轉之途。亦不至壅滯。至見有之委署參領。應分別優劣。優者。即授為副參領。其餘。令各回原任。欽此。○十二年奉

旨。副參領作為四品。○乾隆元年奉

旨。從前護軍校驍騎校。均升副參領。委署參領。今副參領作為四品。委署參領。業經裁汰。而護軍校驍騎校之升闕甚少。嗣後副參領員闕。將護軍校驍騎校與應升各官。一同奏請引見。○六年奏準。滿

洲蒙古漢軍副叅領員闕由該旗以印房理事  
之佐領及世爵內遴選正陪二人并於驍騎校  
內遴選一人一同引

見簡補○七年奉

旨副叅領員闕將驍騎校一同引見少屬越等嗣後  
補授副叅領之驍騎校著在外備用將擬正陪之  
人引見如應升人員內不得其人再令驍騎校引  
見○十七年議準嗣後印房六品官驍騎校於副  
叅領等員闕仍照例簡選升補外其七八品官  
均不得越次保舉○十八年奏準補授副叅領

八旗辦理殊不畫一嗣後副叅領員闕將印房  
理事之佐領世爵並應升各官遴選引  
見補授其簡選驍騎校之處停止

一世襲佐領原定八旗滿洲蒙古漢軍世襲佐  
領員闕其子孫不論有官無官及年歲未滿均  
得與擬正陪具題補授○雍正元年奉

旨補授世襲佐領若有應行列名而不列名者於家譜  
本名之下注明情由○三年奉

旨嗣後八旗世襲佐領家譜內著將原立佐領人之子  
孫按其名數盡行開入如一譜不能盡書即繕兩譜

具奏○又奉

旨。八旗世襲佐領。凡應列名之人。如遇患病緣事。一切情由。均於本人名下注明。○四年議準。原管佐領。世管佐領內。如有年老衰庸。不能辦事者。引見休致。於本人子弟及近族人內。遴選奏補。如本族無人。其佐領繫祖父宣力所得。不便革除者。於該旗內。簡選才能之人。引

見兼管。此等兼管之人。叙功治罪。與佐領同。○七年諭。凡原管佐領。雖經異姓管理數次。遇員闕。仍應於原立佐領人之子孫內。遴選補授。如本族一時不得其

人。再於該旗應升人內。選補。俟原管佐領人之子孫長成。仍行歸還。如此。方為允協。永著為例。欽此。○十一年奉

旨。嗣後家譜所載正陪人員內。有見在軍前者。均於各名下注明。○十二年覆準。八旗擬補世襲佐領。將出闕人之子孫。簡選擬正。若無子孫。於親兄弟內。簡選擬正。近族內。簡選一人。擬陪。仍於有分宗支內。每支簡選一人。通行引

見簡補。○乾隆元年

諭。八旗專管佐領及佐領下人等。彼此爭訟不息。是

以

皇考特降

諭旨。交內閣恭察

實錄。定為原管佐領。世管佐領。業經傳行八旗。再此內  
或別有情由。其心不服者。令將緣由聲明。於雍正  
九年已降

旨通行曉示。迄今數載。鑲黃旗都統始行察奏。則別旗  
仍有似此者。亦未可定。今若不覈定。則爭訟將無  
底止。著總理事務王大臣察辦。如何永著為例。定  
議具奏。欽此。遵

旨議準。八旗原管佐領。世管佐領。其原得佐領緣由。  
並佐領下人原繫何處人。編入此佐領。均覈明  
造冊。自佐領以下。至兵丁閑散。均開列姓氏。於  
本名下畫押。該旗彙總具奏。將畫押冊籍鈔錄  
三本。一本存本旗公署。一本存兵部。一本兵部  
鈐印。交該佐領收貯。以備稽考。如日後再有爭  
告之人。即覈對原冊。將爭告之人送部治罪。佐  
領襲替時。將新襲人姓名。增注於冊。本旗族長  
亦別造一冊存貯。其族長更換時。仍行交代。該  
旗於歲終。將各佐領族長等存貯之冊點驗。若

有遺失損壞。私行改竄者。本人交部治罪。仍將原冊校對更正。○三年

諭。向來八旗補授佐領。並無家譜。由該旗大臣分別簡選。具奏補授。續因旗下大臣辦理不無偏執。是以定有家譜。迨既有家譜之後。仍將不應補之人列入。其應補之人。轉致刪除。且其佐領根由。終未明悉。夫八旗佐領根由。若不詳察定議。日後終不免於爭訟。是以降旨。令王大臣辦理。今八旗議奏家譜。其原管佐領。或繫功臣帶來所屬人丁。編為佐領。或因功績茂著。賞給人丁。編為佐領。此等佐領

員闕。原立佐領人之子孫。不論曾否管過佐領。均應有分。原立佐領人之親兄弟。雖曾管過佐領。其子孫不準得分。世管佐領。或繫將帶來之人。編為佐領。令其承管者。或初編佐領時。即經管理。後積有數輩。作為世管佐領者。又有分編佐領時。即令承管者。此等佐領。原立佐領人之子孫。準擬正。其餘管過佐領人之子孫。酌其譜系遠近。並管理次數。有應得擬正之分。應得擬陪及豫備之分者。又原立佐領人之子孫。念分不應得之族人。繫一祖所出。請一并得分。或其本支內已有佐領。將別佐

領讓給無佐領之支。或每支各管一佐領。再補授佐領內有將出闕人之子孫擬正。原立佐領人長房之子孫擬陪。若出闕之人並無子孫。將原立佐領人長房之子孫擬正。或次房之子孫擬正。長房之子孫擬陪。至於家譜。或將有分之人開入。或不論有分無分。一並開入。將情由旁注之處。均未議及。又原立佐領內有滋生之佐領。補授時有於原立佐領粘寫黃籤。有於滋生佐領粘寫黃籤。辦理亦未畫一。今清理佐領根源。原期永為定例。若不詳悉。日後終不免於紛爭。旗下大臣遵行亦難。

著原辦理之王大臣逐一詳覈具奏。此外別簡王大臣將所奏之佐領詳細校閱。分別正陪備用之分。應否繪入家譜。及如何粘簽之處。分晰詳議。畫一辦理。並將八旗承襲世職鈔錄家譜一同定議具奏。欽此。遵。

旨議準。承襲原管佐領。繫原立佐領人之長房子孫管理。佐領員闕。以出闕人之子孫擬正。別房管過佐領人之子孫擬陪。出闕之人或無嗣。或獲罪。其子孫例不應補。仍於長房之別支遴選擬正。別房之子孫管理。佐領員闕。以出闕人之子

孫擬正長房之子孫擬陪出闕之人或無嗣或獲罪其子孫例不應補即於長房之子孫內擇無佐領之支遴選擬正其出闕之支與其餘族人通行遴選擬陪并列名擬備又原立佐領人之子孫有奉

旨將佐領按支分給者各自按支承襲又原立佐領人之子孫衆多奏準每支各選一人者員闕按支遴選不分正陪一同引

見候

旨簡補又原立佐領人之長房子孫願讓與次房擬

正陪承襲者察繫管過此佐領之子孫始準讓給又原立佐領人之子孫無嗣繼族人爲嗣者其族人之子孫得與正陪之選若繼異姓爲嗣者不準又原立佐領人無嗣未曾繼立者員闕以親弟兄之子孫次及親伯叔之子孫不論曾否得過佐領一例得與正陪之選伯叔祖之子孫雖經營過佐領不準與選其兩三佐領同在一支者員闕以無佐領之支擬正出闕之支擬陪兩姓互管一佐領者同兩支各管一佐領者以出闕人之子孫擬正彼一支擬陪兩支之族

人列名。兩姓互管。兩佐領者同。三四姓互管。一  
佐領者。出闕人之子孫擬陪。各姓通行遴選擬正  
及列名。承襲專管佐領。繫原立佐領人之子孫  
管理佐領員闕。以出闕人之子孫擬正。管過此  
佐領人之子孫擬陪。族人列名備選。若繫原立  
佐領人伯叔兄弟之子孫。管理佐領員闕。仍以  
原立佐領人之子孫擬正。出闕人之子孫擬陪。  
族人列名備選。餘與原管佐領同。承襲世管佐  
領。原立佐領人無嗣。未曾繼立者。員闕。以親兄  
弟之子孫承襲。無親兄弟子孫。次及親伯叔之

子孫。無親伯叔子孫。次及近族。不論曾否管過  
佐領者。均得擬正擬陪。若原立佐領人無嗣。有  
親兄弟之子孫。未獲承襲。經親伯叔之子孫承  
襲者。其員闕。以親兄弟之子孫擬正。其親伯叔  
之子孫。亦得與選。至伯叔祖之子孫。曾伯叔祖  
之子孫。管過此佐領者。準其擬陪。高祖以上。以  
及遠族。管過此佐領者。準其列名。均不得擬正。  
又原立佐領人之子孫。願讓於伯叔兄弟。以及  
遠族之人。擬正陪承襲者。不論曾否管過佐領。  
皆準讓給。又原立佐領人之子孫。因本支內已

有佐領可襲於別支佐領。分雖應得。願不與選者亦聽。又一族人編成之佐領出闕人之子孫擬正其餘族人通行擬陪列名。餘與原管佐領同。八旗察哈爾奉天等處原管專管世管佐領員闕均照此例辦理。○又議準佐領獲罪除犯十惡及軍機得罪者雖遇

恩赦其子孫亦不準承襲外其餘情罪尚輕者子孫仍準承襲其不準承襲之人奉

旨復加錄用或從發遣處放還及於辛者庫

即內管領下食

人月米放出者其子孫照常開列又獲罪人子孫

既不準承襲別支又無應襲之人察繫陣亡之

子孫該旗具奏請

旨○六年奏準世管佐領出差有逾半年者於該佐領之本族官員內簡選一人引

見署理如本族內無應署之人於該旗內簡選一人引

見署理○十七年奉

旨世管佐領員闕其應襲之子孫有在拉林阿爾楚哈地方種地者若分應擬正照例咨取來京引見止繫擬陪列名可於在京分所應得之人內選取

如再不得人將種地人列名進呈不必行取來京  
一補授公中佐領原定八旗滿洲蒙古漢軍公  
中佐領員闕以公侯伯大學士尚書都統以下  
護軍驍騎校以上官擬定正陪具題補授○雍  
正元年議準八旗察哈爾世管佐領下滋生人  
丁編為公中佐領者遇員闕以該佐領應升之  
官并滋生此佐領之原佐領下應升各官通行  
選補又巴爾虎公中佐領員闕於該佐領應升  
官內遴補出闕之人有軍功者其子亦得與選

○四年奉

旨○公中佐領員闕與原管世管佐領不同護軍校驍騎  
校乃六品微員選補佐領未免逾越嗣後以該旗大  
員引見補授○又奏準奉天府屬公中佐領員闕以

應升之人擬正其原管佐領人在任實能稱職  
其子又曾効力者準以一人擬陪如無合例之  
人止將應升之人保送在京該旗選一人擬陪  
○又覆準佐領不得兼散騎郎○八年覆準諸  
王屬下公中佐領員闕先盡該王屬下品級相  
當之官擬補如不得其人即於該旗應升官內  
選補○十一年奉

旨。公中佐領員闕。如將大臣補授。則職任事繁。無暇盡心。辦理佐領事務。仍在應升官內。選補庶幾有益。如不得人。再將大臣引見。又奏準。佐領不得兼任步軍尉。○十二年奉

旨。佐領職任甚屬緊要。向因大臣兼管。或致本旗大臣瞻狗掣肘。是以降旨。令於世爵。或對品。或應升官內。選補。並無永不令大臣兼管之旨。今該旗既不得應補之人。即應奏明。仍著大臣兼管。何得將驍騎校等。越次擬補。不但品級相懸。且無超羣軼衆之材。又無出兵効力之處。何所見而如此辦理。甚屬錯誤。著再

行辦理。具奏。并將此旨。傳諭八旗知之。○乾隆元年奉

旨。公中佐領員闕。有經一姓管理數革者。遇員闕。將其子孫簡選。與應升各官。一同引見。○六年奏準。公中佐領員闕。以本旗不兼佐領之三品以下。五品以上。文武官。及世爵。遴選四五人。引見補授。○又奏準。公中佐領出差。有逾半年者。於該旗。應授佐領之人。及各處咨送人員內。簡選。如不得其人。於見任佐領內。簡選。引

見署理。○十五年奉

旨從前公中佐領員闕將大臣一同引見雍正年間  
因

皇考曾降諭旨大臣職務繁多無暇辦理佐領之事仍  
令簡選官員補授庶於事務有益如不得人再將  
大臣引見從此即不將大臣引見此皆未明所降  
諭旨之意大臣無暇辦理佐領之事者特指職務繁多  
之大臣而言非凡為大臣皆不得補授佐領也且  
佐領之職管束教訓一佐領之人與其令職官兼  
管不如令大臣兼管更屬有益雖職務繁多之大  
臣無暇兼管其事簡之大臣兼管佐領何不可之

有若以身為大臣不便兼管佐領何以原管世管  
佐領又有兼管之人嗣後八旗公中佐領員闕各  
該旗將事簡未兼部務之大臣簡選引見如不得  
其人再將應升官引見

一補授驍騎校原定滿洲蒙古驍騎校員闕以  
六品七品八品官前鋒護軍領催驍騎選補漢  
軍驍騎校以六品七品八品官領催驍騎選補

○康熙二十五年奉

旨承襲雲騎尉之驍騎校仍留驍騎校任遇應升時照  
雲騎尉品級升用○雍正三年奉

旨。凡驍騎校員闕。定例於本佐領下選補。嗣後如遇本佐領下無可補之人。著請旨於該旗簡選。引見補授。

○五年奉

旨。補授護軍校驍騎校。列名人員。倘於引見時有患病者。不妨少待。若為日既久。即將姓名繕名籤入於引見人內。聲明情由具奏。如此則可不致於壅滯矣。

六年奉

旨。八旗補授護軍校驍騎校時。於本佐領下簡選前鋒護軍執事人等十人。照常擬定一正一陪。引見其餘八人在外備用。若所擬正陪內無可用者。即引見擬

備之八人。如本佐領下不得可用之人。於該旗簡選補授者。仍照常擬二人引見。○乾隆四年覆準。漢軍驍騎校員闕。由該旗於本佐領下領催內簡選

正陪二人引

見補授。如領催內不得其人。將該佐領下出征効力年久之驍騎與領催等。一同簡選三四人引

見。如本佐領下不得其人。即於該旗簡選領催驍騎。擬正陪二人引

見補授。

一補授城門吏。原定城門吏員闕。以前鋒護軍

領催。驍騎補授。○乾隆元年覆準。城門吏。職任緊要。遇員闕。應令該旗。於前鋒護軍。驍騎內。遴選正陪引。

見補授

一補授信礮官。原定信礮總管員闕。由八旗滿洲都統。於輕車都尉。輕車都尉品級官。騎都尉。騎都尉品級官。監守信礮官內。簡選十人。送兵

部引

見補授。監守信礮官員闕。由該旗都統等。於騎都尉。雲騎尉。護軍校。驍騎校。六七八品官內。簡選正

陪引

見補授。○乾隆十八年議準。信礮總管員闕。由兵部。於送到應升各官內。簡選二三人引。

見。○二十年奉

旨。補授信礮總管。令八旗直年都統等引見。

一補授犧牲所牧。康熙二十四年議準。犧牲所牧員闕。向由漢軍廕監生內。簡選考試。籤補。今應改用滿洲人員。由兵部行文八旗滿洲都統。於騎都尉。雲騎尉內。選年力富強者。每旗咨送一人引。

見補授○乾隆十八年議準所牧員闕由兵部於各旗送到人員內簡選二三人引

見○二十年奉

旨補授犧牲所牧令八旗直年都統等引見

一補授守護

陵寢官原定總管員闕以

陵寢翼領驍騎叅領并男以下世爵開列十人題補翼

領員闕按翼於二等待衛護軍驍騎副叅領佐

領內遴選數人由兵部引

見補授防禦員闕由該總管等將防禦之子弟及在

陵之禮部贊禮郎內擇其勝任者保送引

見補授如不得其人即令在京該旗於前鋒校親軍

校護軍校驍騎校及七八品官內遴选题補○

雍正五年覆準防禦員闕其子弟內如無咨送者於在

陵寢之贊禮郎內選人去得堪膺武職能管束者保送如無應送之人仍行文兵部交該旗以應升人員引

見補授○乾隆二年覆準

陵寢每處按翼增設驍騎校一人於該翼兵丁內選正

陪送部交旗引

見補授如本旗防禦員闕遇不應保送防禦子弟者即於驍騎校內簡選保送該旗將本旗應升人員擬陪引

見補授○五年奏準

陵寢防禦員闕如原官果繫累世守護已逾五十年者準其選子弟一人保送如無合例之人不準保

送○七年議準

陵寢總管員闕於一等待衛前鋒護軍驍騎參領內選數人引

見其本處翼領列名請

旨護軍驍騎副參領與前鋒侍衛品級相同亦準遴選引

見補授翼領○九年議準翼領員闕以記名應升翼領人員按翼開列十人引

見所開十人內以卓異及辨事前鋒侍衛護軍副參領印房副參領二等侍衛佐領兼印房行走各官列於前前鋒侍衛各官列於後○十年奏準翼領員闕將本處防禦一人送部引

見○十四年奉

旨

孝陵總管員闕翼領等皆繫應升之人且路不甚遠著

調取來京與應引見之人一同引見著為令遵

旨議準

東陵

西陵均離京不遠總管員闕將本處翼領調取來京一

同引

見至

盛京

三陵距京遙遠不便調取仍照舊例行○十八年議準

陵寢總管翼領員闕將本處送部之人引

見補授如本處無合例之人準其於在京侍衛及八

旗應升人員內簡選二三人引

見補授餘仍照前例行○二十年奉

旨

陵寢總管翼領因繫八旗公中升補向由兵部引見嗣

後改歸八旗直年都統等引見

一補授駐防協領原定協領員闕以步軍協尉

輕車都尉騎都尉雲騎尉內選擬正陪題補○

康熙二十七年奉

旨嗣後駐防協領員闕停止該將軍坐名擬補著兵部  
選取外省應升之人交旗同在京應補人員引見補  
授○三十七年議準黑龍江等處協領以下驍騎校  
以上各員闕均於在京八旗人員內遴選才能  
者補授○雍正元年議準協領員闕由該將軍  
都統副都統等於叅佐領內遴選一人擬正送  
部交與該旗都統將本旗應升之人一同引  
見補授○十年覆準協領員闕令該將軍都統等於  
本翼內遴選應升之人咨送○乾隆六年奏準  
滿洲蒙古協領員闕由該將軍等於本翼佐領

內選一人擬正送部交旗該旗都統等於本旗  
前鋒侍衛護軍驍騎副叅領二等侍衛輕車都  
尉佐領步軍協尉信礮總管內選一人擬陪引  
見補授漢軍協領員闕由該將軍等於本翼叅佐領  
內選一人擬正送部交旗該旗都統等於本旗  
副叅領輕車都尉佐領步軍協尉內選一人擬  
陪引

見補授○七年奏準山海關協領員闕以本處佐領  
及永平府順義三河玉田三縣喜峯口冷口防  
守尉內簡選該副都統按旗按翼分別滿洲蒙

古將合例人。擬正送京。該旗照例選一人擬陪引。

見補授。如該處無可保送之人。即於在京人員內選擬正陪引。

見牛莊。蓋州二處防守尉。於該屬佐領。防禦及散秩官內。簡選送京。交旗引。

見補授。

一補授駐防叅領。原定駐防叅領員闕。於步軍協尉。輕車都尉。佐領騎都尉內。選擬正陪題補。

○雍正元年議準。駐防叅領員闕。由該將軍等。於本翼內。選防禦一人。擬正送部交旗。該旗都統等。於本旗輕車都尉。佐領。步軍協尉。騎都尉內。選一人擬陪引。

見補授。

一補授城守尉。原定城守尉員闕。以步軍協尉。輕車都尉。佐領。騎都尉。雲騎尉。選擬正陪題補。

○乾隆六年奏準。各省駐防將軍等。所屬城守尉員闕。由該將軍。於本處佐領。及世爵內。選一人擬正。送部交旗。該旗都統等。於本旗前鋒護軍。驍騎。各叅領。一等待衛。各官內。選一人擬陪。

引

見補授○又奏準。鄭家莊河南開封府城守尉員闕。八旗公得選補。由部行文八旗都統。會同統領。簡選前鋒護軍驍騎各叅領。并行文領侍衛內大臣。簡選一等待衛。送部引

見補授○又奏準。德州城守尉。屬鑲黃正黃兩旗。滄州城守尉。屬正白鑲白兩旗。保定府城守尉。屬正紅鑲紅兩旗。太原城守尉。屬正藍鑲藍兩旗。如遇員闕。兩旗都統。會同領侍衛內大臣。統領於兩旗前。鋒護軍驍騎各叅領。一等待衛內簡

選擬正陪引

見其軍政卓異保舉記名之玉田順義縣等處防守尉。一同列名。該都統等。覈明繫兩黃旗公補。初次。以鑲黃旗官擬正。二次。以正黃旗官擬正。彼此輪擬正陪。毋相攙越。各旗均照此例。○七年。奏準。奉天城守尉員闕。該旗不得勝任之人。即照按翼簡選之例。於該翼應升官內。選才能之人。送京引

見○二十年奉

旨。鄭家莊河南開封府城守尉。因繫八旗公中升補

向由兵部引見。今改歸八旗。直年都統等引見。  
一補授防守尉。原定防守尉員闕。於輕車都尉  
騎都尉。雲騎尉內。選擬正陪。題補。其應兩旗公  
補者。輪流擬補。○乾隆六年。奏準。順義縣防守  
尉。屬鑲黃旗。昌平州防守尉。屬正黃旗。三河縣  
防守尉。屬正白旗。良鄉縣防守尉。屬正紅旗。寶  
坻縣防守尉。屬鑲白旗。固安縣防守尉。屬鑲紅  
旗。采育里防守尉。屬正藍旗。東安縣防守尉。屬  
鑲藍旗。玉田縣防守尉。屬鑲黃正白兩旗。霸州  
防守尉。屬正黃正紅兩旗。永平府防守尉。屬鑲

白正藍兩旗。雄縣防守尉。屬鑲紅鑲藍兩旗。以  
上防守尉員闕。由該旗都統。會同領侍衛內大  
臣。前鋒護軍統領。於該旗前鋒侍衛。護軍驍騎  
副叅領。佐領。二。三。等侍衛。及軍政卓異保舉記  
名之德州各城防禦內。遴選正陪。引

見補授。如應一旗專補。於本旗內。遴選正陪。應兩旗  
公補。於兩旗內。輪擬正陪。

一補授駐防佐領。原定駐防佐領員闕。於步軍  
尉。騎都尉。雲騎尉內。擬正陪。題補。○雍正元年  
議準。駐防佐領員闕。該將軍等於本翼內。選防

禦一人擬正送部交旗該旗都統等覈繫滿洲  
蒙古佐領於本旗三等侍衛藍翎侍衛步軍協  
尉步軍尉監守信礮官騎都尉雲騎尉及隨旗  
行走之五品官內選一人擬陪繫漢軍佐領於  
本旗步軍副尉步軍尉監守信礮官騎都尉雲  
騎尉及隨旗行走之五品官內選一人擬陪一  
同引

見補授○二年奉

旨駐防佐領員闕經該將軍等令協領兼管者聲明緣  
由具奏毋庸咨送來京○七年奉

旨鄭家莊等處駐防官員闕將該處應升之人與在京  
應升之人一同遴選不論內外以材技較優者一人  
擬正一人擬陪○又議準鄭家莊佐領員闕該處於  
應升之防禦內遴選一人保送來京在京該旗  
於應升之三等待衛藍翎侍衛輕車都尉騎都  
尉步軍尉各官內遴選該旗都統驗看或以在  
京一人擬正或以保送之人擬正總以才品優  
長爲斷○乾隆七年奏準山海關佐領員闕將  
八旗防禦簡選一人擬正送京該旗照例擬陪  
引

見補授如無可以保送之人即將在京人員選擬正陪引

見○十三年奏準

盛京八旗滿洲佐領若升本城協領即令兼佐領事務若不同城繫世管佐領令其子承襲繫公中佐領別行補用蒙古漢軍佐領升補協領均照此例至城守尉水師總管不準兼管佐領達虎里佐領不準滿洲兼管

一補授防禦原定防禦員闕於騎都尉雲騎尉護軍校驍騎校及六七八品官內選擬正陪題

補○雍正二年奉

旨各省領催經該將軍等保送引見其材技優長記名一二等以驍騎校用之人如遇防禦員闕者即補用毋庸送部引見○七年議準鄭家莊防禦員闕該處於本翼驍騎校內遴選一人保送來京在京該旗於雲騎尉五六品官前鋒護軍驍騎校內遴選一人該都統等驗看或以在京之人擬正或以保送之人擬正總以材技優長為斷不得與各省防禦以在京之人擬陪為例○十年覆準各省防禦員闕該將軍等於本翼遴選應升之

人。擬正保送在京仍選本旗之人擬陪。○十三年覆準防禦員闕該將軍等於驍騎校內任滿三年無過者擬補如不得其人即將應升之人擬正咨送來京該旗於雲騎尉護軍校驍騎校六七八品官內選一人擬陪一同引

見補授○乾隆三年奉

旨升補防禦應將任滿三年騎射不能入選之驍騎校與未滿三年騎射嫻熟之驍騎校一同保送引見○四年奉

旨升補防禦該處無任滿三年之驍騎校即於未滿

三年人員內選一人擬正保送引見○六年奏準

駐防德州防禦四員鑲黃正黃旗各二人滄州防禦四員正白鑲白旗各二人保定府防禦四員正紅鑲紅旗各二人太原府防禦四員正藍鑲藍旗各二人順義縣防禦二員屬鑲黃旗昌平州防禦二員屬正黃旗三河縣防禦二員屬正白旗良鄉縣防禦二員屬正紅旗寶坻縣防禦二員屬鑲白旗固安縣防禦二員屬鑲紅旗采育里防禦二員屬正藍旗東安縣防禦二員屬鑲藍旗玉田縣防禦二員鑲黃正白旗各一

人永平府防禦二員。鑲白正藍旗各一人。霸州防禦二員。正黃正紅旗各一人。雄縣防禦二員。鑲紅鑲藍旗各一人。以上防禦員闕。該處於驍騎校內遴選。或經軍政卓異保舉記名者。不論滿洲蒙古。保送一人來京擬正。在京該旗。於雲騎尉六七八品官護軍校驍騎校內。遴選一人擬陪引。

見補授。如本處無可保送之人。行文該旗。於在京應升人員內。遴選正陪引。

見補授。又議準。南苑防禦員闕。由該旗。於雲騎尉

六七八品官護軍校驍騎校內。選正陪引。  
見補授。

一補授駐防驍騎校。原定驍騎校員闕。以前鋒護軍領催驍騎選補。○雍正七年議準。鄭家莊驍騎校員闕。該處於應升之領催驍騎內。遴選一人保送來京。在京該旗。於七八品官親軍前鋒護軍領催驍騎內。遴選一人。該都統等驗看。或以在京之人擬正。或以保送之人擬正。總視其材技優長為斷。○乾隆元年奏準。駐防德州驍騎校四員。鑲黃正黃旗各二人。滄州驍騎校

四員正白鑲白旗各二人。保定府驍騎校四員。正紅鑲紅旗各二人。太原府驍騎校四員。正藍鑲藍旗各二人。玉田縣驍騎校二員。鑲黃正白旗各一人。永平府驍騎校二員。鑲白正藍旗各一人。霸州驍騎校一員。屬正黃正紅兩旗。雄縣驍騎校一員。屬鑲紅鑲藍兩旗。順義縣驍騎校一員。屬鑲黃旗。昌平州驍騎校一員。屬正黃旗。三河縣驍騎校二員。屬正白旗。良鄉縣驍騎校一員。屬正紅旗。寶坻縣驍騎校一員。屬鑲白旗。固安縣驍騎校一員。屬鑲紅旗。采育里驍騎校

一員。屬正藍旗。東安縣驍騎校一員。屬鑲藍旗。以上驍騎校員闕於該處領催驍騎內。不論滿洲蒙古。擇其効力年久。材技優長者。擬定正陪。呈送該旗引。

見補授。此內霸州雄縣驍騎校。繫應兩旗公補。應先後輪擬正陪。五年覆準。各省駐防滿洲蒙古。漢軍領催。由該將軍都統副都統等。簡選材技優長。曾經効力者。以本處驍騎校額數為準。多者不過四十人。少者不過三十人。預保送部引見。恭候。

欽定記名發回一等。遇驍騎校員闕即行補用二等。不論次序。選材力出眾者補用。倘記名之後有行止改易者。咨部注銷。俟用完之後。再行預保。奉天各城驍騎校。均照此例。○十七年議準。駐防領催。停其預保。遇驍騎校員闕。由該將軍簡選。擬定正陪。送部交旗引。

見。如將擬正之人補授。其擬陪之人。應否準其記名。發回題補。恭候。

欽定。○十九年覆準。福建廣東二省駐防領催。仍照舊例預保。送部引。

見記名發回。以驍騎校題補。其餘各省。照定例擬正陪送京。由旗引。

見補用。

一升補八旗察哈爾游牧各官。原定游牧總管員闕。以副管佐領輕車都尉。騎都尉。雲騎尉各官。選擬正陪題補。副管員闕。以騎都尉。雲騎尉。及本處護軍校。驍騎校。選擬正陪題補。○乾隆三年覆準。八旗游牧總管員闕。由該旗都統等會同理藩院堂官。於本翼一等待衛。前鋒護軍。驍騎各叅領。理藩院郎中。各部蒙古郎中。內。遴

選四人各注考語交該旗引

見補授○五年奏準游牧副管員闕由該總管於本處子男輕車都尉及叅領內遴選一人擬正送京在京該旗於本旗輕車都尉騎都尉前鋒侍衛護軍驍騎副叅領步軍協尉內遴選一人擬陪引

見補授游牧捕盜官員闕由該旗蒙古都統等於本旗前鋒護軍領催內遴選擬定正陪引

見補授其効力勤慎五年無過者該總管出具考語送旗注冊遇應升之闕指名咨取來京與護軍

見  
驍騎校等一同引

見  
一補授黑龍江船廠四五六品管水手官原定  
四品管水手官由該將軍於五品管水手官內擬補五品管水手官於六品管水手官內擬補六品管水手官於領催驍騎內擬補給咨送兵部由部行文八旗漢軍都統選擬陪一人一同引

見補授○乾隆七年奏準四品管水手官由漢軍都統於步軍尉雲騎尉及五品廕生內擬陪五品

管水手官。於驍騎校及六品廕生內擬陪。六品管水手官。於七品八品監生及領催驍騎內擬陪。與本處所送擬正之人一同引。

見補授。○十八年議準。黑龍江等處管水手官員闕。毋庸簡選在京旗員擬陪。其本處所送引

見之人。或有不堪錄用者。再行文八旗。咨取應升之人。由兵部簡選二三人引。

見補授。○二十年奉

旨。黑龍江管水手官。令八旗直年都統等引見補授。一補授王公所屬各官。原定長史員闕以前銓

護軍驍騎各叅領佐領散騎。即一等護衛。輕車都尉。騎都尉。題補。一。二。三等護衛。員闕。以佐領。世爵。及五品官。咨補。貝勒。司儀。長員。闕。以佐領。散騎。即。二等護衛。輕車都尉。騎都尉。題補。典儀。員闕。以六。七。八品。及閑散人。咨補。散騎。即。員闕。以民公以下。五品以上官。題補。○康熙十八年奉

旨。諸王長史散騎。即等官。均具題補授。護衛獨不具題。著察議奏遵。

旨。議準。長史。四。五品。典儀。散騎。即。一。二。三等護衛。府屬

佐領各員闕由該王貝勒等擬定送兵部引見補授六品以下各官照例選補咨部注冊○二十年覆準一等護衛以下五品典儀以上員闕凡騎都尉雲騎尉之人材出眾者亦準選補○三十一年奉

旨嗣後王公府屬佐領員闕著護衛兼管○雍正四年奉

旨散騎郎員闕於各該屬子以下雲騎尉以上官內遴選送部引見補授○又奉

旨各王屬下散騎郎仍照舊存留貝勒貝子等所有散

騎郎著停止○乾隆六年奏準五旗王公等府屬叅

領員闕由王公等於屬下品級相當之護衛世爵及五六品官內簡選二人交旗驗看引

見補授如所送之人不能勝任該都統等即於本叅領下別選二人一同引

見府屬佐領員闕於屬下品級相當之護衛內選二人交旗驗看引

見補授王公屬下無應補之人該都統等於本叅領內之王公屬下選二人引

見補授將來此佐領員闕仍用本屬下之人○十八

年奏準。諸王長史貝勒司儀長繫首領官。若僅於該王貝勒所屬各官內簡選補授。恐人數無多。必有遷就之弊。嗣後諸王長史貝勒司儀長員闕於下五旗前鋒護軍驍騎各叅領及世爵各官。並於各王貝勒所屬應升長史司儀長之護衛官內。令該都統每旗簡選二人。咨送兵部。由部會同領侍衛內大臣。該王貝勒擬定正陪。

引

見補授護衛以下。由王貝勒貝子公等。於子以下雲騎尉以上。應升各官內。選擬正陪。咨送兵部引

見補用。

一補授隨印協理事務等官。乾隆六年奏準。八旗印房官叅領。滿洲每旗二人。蒙古每旗一人。漢軍每旗二人。由該旗都統。於本旗叅領內。選擬正陪。理事官。滿洲每旗八人。蒙古每旗四人。漢軍每旗六人。由該旗都統。於世爵官及佐領驍騎校內。選正陪引。

見令其兼管行走勤慎者。遇應升之處。列名不稱職者。叅領著回原任。世爵官佐領以下。隨旗行走。○又奏準。八旗印房筆帖式。滿洲每旗八人。蒙

古每旗四人。漢軍每旗六人。筆帖式員闕。由該旗都統於本旗護軍領催驍騎閑散壯丁內簡選二名。送吏部考取補用。繫護軍等。仍食本餉。閑散人。給餉二兩。三年期滿。行走勤慎者。該都統出具考語。咨送吏部。以各部院八品筆帖式補用。不願考試者。以本旗驍騎校及守護

壇

廟。并城門七八品官補用。印房外郎。滿洲每旗一人。蒙古每旗二人。漢軍每旗一人。外郎闕。由該旗咨報吏部。行文國子監。於年久漢軍官學生內簡

選咨送吏部考試。繙譯補用。六年期滿。出具考語。咨送吏部考職錄用。○又奏準。八旗俸餉房叅領。每旗一人。理事官。每旗二人。驍騎校。每叅領下一人。八旗馬冊房。滿洲蒙古每旗叅領一人。理事官。每旗二人。驍騎校。每叅領下一人。均由該旗都統於本旗見任各官內簡委兼管。八旗銀庫。由該旗都統委印房叅領兼管。○乾隆十一年奏。準以驍騎校用之印房筆帖式。遇別佐領下驍騎校員闕。準其與應升之人。一同簡選補用。一補授兼攝管轄營房兵丁官。雍正二年覆準。

管轄城外舊營房兵丁官員闕該都統等於滿洲蒙古世爵內簡選擬正陪引

見令往管轄該都統等再於本旗在營房居住之護軍校驍騎校內滿洲蒙古各委一人協同管轄

○六年覆準守護城門各官崇文門正藍旗散秩官驍騎校各四人宣武門鑲藍旗散秩官驍騎校各四人朝陽門鑲白旗散秩官驍騎校各四人阜成門鑲紅旗散秩官驍騎校各四人東直門正白旗散秩官驍騎校各四人西直門正紅旗散秩官驍騎校各四人德勝門正黃旗散

秩官驍騎校各四人安定門鑲黃旗散秩官驍騎校各四人在各城外本旗新營房駐宿守護城門正陽門左右城門於守護各城官內委出散秩官四人驍騎校四人輪流直宿每旗委叅領一人管轄以上叅領員闕由滿洲蒙古漢軍都統於各叅領內選擬正陪散秩官於世爵內選擬正陪均引

見簡委兼管驍騎校該都統等會同選委

一改補乾隆元年議準旗員補授綠旗營弁五年俸滿有於營務不甚相宜者該提督咨部轉

交該旗。仍以旗員補用。副將。以步軍翼尉。城守尉。協領。改補。叅將。遊擊。以前鋒護軍。驍騎。各叅領。改補。都司。以前鋒侍衛。副叅領。步軍協尉。佐領。及各省駐防。防守尉。改補。守備。以步軍尉。五品防禦。改補。其由副將。改補。步軍翼尉。各官者。仍照從二品頂帶食俸。遇應升之官。一同開列。○七年議準。文職。改補。旗員。給事中。御史。郎中。道。知府。以副叅領。佐領。城門領。改補。同知。知州。以步軍尉。監守。信礮官。改補。主事。通判。知縣。以驍騎校。改補。小京官。司府首領官。州縣佐貳。筆

帖式。以城門吏。改補。該都統等。量才器使。或令印房辦事。或令隨旗行走。試用一年。果能黽勉。遇應補之官。擬定正陪。引

見補授

一降補。乾隆五年議準。領侍衛內大臣。內大臣。都統。駐防將軍等。一品官。降一級調用。聽兵部具題。其降二級調用者。繫滿洲。以

陵寢總管。步軍翼尉。城守尉。協領。前鋒護軍。驍騎。各叅領。擬補。蒙古。以游牧總管。副管。協領。前鋒護軍。驍騎。各叅領。擬補。漢軍。以在京叅領。駐防協領。

擬補降三級調用者。繫滿洲。以

陵寢翼領。信礮總管前鋒侍衛。護軍驍騎副參領。佐領。步軍翼尉。城門領。防守尉。擬補蒙古。以前鋒侍衛。護軍驍騎副參領。佐領。步軍協尉。城門領。擬補漢軍。以副參領。佐領。步軍協尉。城門領。駐防參領。擬補降四級調用者。繫滿洲漢軍。均以監守信礮官。步軍副尉。駐防防禦。擬補蒙古。以步軍副尉。駐防防禦。擬補二品之前鋒護軍。步軍各統領。副都統。鑾儀使。散秩大臣。降一級二級三級調用者。與一品官降二級三級四級調用

之例同。遇有應補之官。聲明降調情由。列名於應升各官之後。一同引

見恭候

欽定。至一品官降五級調用。二品降四級調用者。不補前鋒護軍驍騎諸校。除該員原有世爵者。令以世爵在旗行走外。其無世爵者。帶所降之級。隨旗行走。三年無過。該都統等。出具考語。引

見請

旨。將降五級之一品官。準其照降四級例擬補。降四級之二品官。照降三級例擬補。若降級數多。至

無官可補者。停其補用。○又奏準。在京八旗三品官降一級調用。以四品官擬補。降二級調用。以五品官擬補。降三級調用。以六品官擬補。其四品官降一級二級調用。與三品官降二級三級之例同。五品官降一級調用。與四品官降二級之例同。遇應補之官。聲明降調情由。列名於。應升各官之後。一同引。

見恭候

欽定。至三品官降至四級以下。四品官降至三級以下。五品官降至二級以下。調用。無官可補者。均

停其補用。有世爵者。隨旗行走。○又奏準。各省駐防三品以下官。降級調用。均以本處駐防官按品擬補。此等降調之人。遇有應補之官。令該將軍。都統。副都統。於咨送。應升官引。

見時。將該員降調情由。聲明。一并咨送該旗。列名於。應升各官之後。引。

見恭候

欽定。其總管城守尉。防守尉。及該處所屬官。降級調用者。均令回旗。俟該旗出有各處總管城守尉。防守尉。所屬員闕。由該旗都統等。按其所降之

級與應補之闕相符。聲明降調情由。列名於應升各官之後。一并引。

見恭候

欽定。降至無官可補者。停其補用。○七年奉

旨。八旗降調各官。遇應補時。引見未授者。至三次引

見時。聲明具奏。○八年奏準。三品官降四級。四品

官降三級。五品官降二級。調用者。均以七品城

門吏補用。○十一年奉

旨。嗣後外省開復降調各官。遇有應補時。調取引見。至驍騎校。繫預行保送。已經引見之人。毋庸調取。

引見。若降調驍騎校。仍照例引見。○又奉

旨。嗣後各省駐防降調各官。於初次來京引見時。即

聲明具奏。○又奏準。在京武職。及各省駐防官。因

公望誤。至於降革者。內有才品優長。任事勇往

者。本任內。並無虧空錢糧。應行治罪之案。該管

大員。會同都察院。詳加察覈。如果應行引

見。交該管大員。出具切實考語。保奏引

見。其各省駐防官。咨送該旗引

見。應否去留。恭候

欽定。○十三年奏準。各省駐防降調之官。遠省二次

近省三次引

見○未蒙補用者○照應得品級準令休致○停其來京

引

見

